

¡BOMBA!

Pequeños contribuyentes
cantan el Magnificat;
ya no verán fieros dientes,
sólo caricias del SAT



k'uintsil

U edicionil fin de semana, viernes 11 tak domingo 13 ti' septiembre ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2810 · www.lajornadamaya.mx

YA'AX MO'

CH'ÍICH' SAJBE'ENTSIL YANIK IKIL U
MÁAN KOBIL CHÉEN BEYO'

Ts'a'aban u científico k'aaba' beey Ara militar. Ts'ooke' tu bin u maas p'aatal ich sajbe'entsil tu lu'umil México yéetel uláak' u kaajilo'ob América Latina tumen ku máan konbil kex ma' cha'abani', ku chu'ukul yéetel ku k'askúunta'al tu'ux suuk u yantal, beey tu tsolaj u jka'ansajil ciencias Cristóbal Carrión, máax tu ya'alaj jach táaj k'a'anan u séeb kaláanta'al le chan ch'íich'a'.

Beyxan ti' uláak' lu'umo'obe' pata'ab u k'aaba' beey guacamayo. Chiika'an leti' tumen nojoch ts'ooke' u tumen jach jats'uts u ya'ax k'u'uk'mel, le beetik beey xan ts'a'aban u k'aaba'o': "militaris". Méek'a'an tumen u baatsil jejeláas subespecies, je'el bix Ara militar mexicanus yéetel Ara militar bolivianus; u jejeláasilo'obe' ku yantal tu boonilo'ob, kex tumen chéen chan p'el.

Ya'ax mo'e' ku p'isik ichil 70 tak 80 centímetros u chowakil, ba'ale' kéen u xit u xiik'e' ku chukik ichil 90 tak 110 centímetros. Ku aaltal ichil 900 yéetel 1100 gramos, le beetike' juntúul ti' le ch'íich'o'ob maas nojoch yaan yéetel ku yantal beey ich k'áaxo'. Ojéela'an leti' tumen yaan jump'eel u nojoch k'u'uk'mel tu táan u pool yéetel yaan xan tu'ux mina'aní', ba'ale' yaan u chan sak yéetel boox t'óolil, le je'elo'obo' ku k'a'ajsik bix u bo'onol ba'al ba'ateltáambal, le beetik ku tukulta'al ma' xaan wa nuupul yéetel u k'aaba'i'.

U jela'anil yéetel uláak' u jejeláasil mo'obe', le ya'axa' ma' tu séeb chiikbesik máakalmáak u xiibil wa u xch'uupili'. U koje', mu'uk'a'an yéetel boox, ka'alikil u xaawe', samal boox.

Suuk u yantal tu'ux ku beetik ooxol ba'ale' húmedo, beyxan desde tu xamanil México, u ya'abile' tu baantail Pacífico yéetel Golfo, tak tu xaman-lak'inil Argentina. Tu lu'umil Méxicoe' yaan ku yila'al tu baantail Sierra Gorda, Tehuacán-Cuicatlán, Chiapas yéetel u Petenil Yucatán.

Sajbe'entsil yanik tumen ku ko'onol kex ma' unaji' ti'al u yaalak'ta'al wa ti'al u beeta'al cha'ano'ob yéetel. Beyxan tumen ku k'askúunta'al tu'ux suuk u yantal.

OOCHEL FRANK SENGPIEL.JPG

ESPECIAL: FAUNA NUESTRA
/ MIGUEL AMÉNDOLA /
P 42 YÉETEL 43